

蘭雪堂古事苑定本

蘭雪堂古事苑定本卷之五

饒安

鄧志義纂集

編輯

戴珉潔澄

西泠

戴璵瀾石

叅定

戴琰師曾

勿頌

大鈞無私。小子有造。舞勺舞象。循循乎大序。有差。佩鞮。佩觿。棣棣然威儀不忒。瑤環瑜珥。蘭茁其芽。栢栢豫樟。棟勝其任。劉晏稱爲國瑞。絕類離羣。任延號曰聖童。少

雙寡二。甘羅辱口爲始皇相。勿論年雛。項橐童牙作孔子師。却知學富。蔡晞四齡爲正字。古僅一聞。童烏九歲預立文。今難再覩。執干戈以衛社稷。汪錡小子頗能列俎豆而習禮儀。孟氏冲年乃爾。晉羲之固是佳子弟。魏祖瑩豈非聖小兒。識之認無。白居易襦。襦中之慧性。提戈取印。曹國華。醉盤內之壯圖。許彥伯是許氏亢宗孫。陳仲舉乃陳門不凡子。司馬五齡擊甕。卽占拯溺才猷。寇公七歲詠山已卜具瞻氣象。手內刀拒賊。朱暉懷烈士之風。袖中橘遺親。陸績具成人之度。坐間言自別人。

稱謝尚是顏回步處。敏於詩。我道公權過子建。陸雲固
昂昂龍種。趙宗真楚楚鳳毛。王元之席上成聯總。卅角
時已擴開智慮。李長吉囊中內句脫。班衣處便嘔出心
肝。阮公只與阿戎談。李泌且同張相友。王猷之文明大
著。嬰孩紹逸少箕裘。張辟疆政事頗優童。穉傳子房衣
鉢。是鵠子有青雲意。亦鳳雛呈丹穴儀。丰姿洒洒更思
王文度。居滕上之時。器宇恢恢當是陳孺子。宰天下之
志。尚嘉羊氏子。桑中探出金環。勿謂盧家兒。案上翻殘
墨汁。

詩經。成人有德。小子有造。禮記。童子總角舞勺。成

童舞象。勺。象。樂也。詩經。芄蘭篇。童子佩觿。童子佩韞。

觿。音奚。韞。直。蘭。芽。詳。倫。行。篇。甲。切。湛。入。聲。南宋袁粲年尚幼。王儉見

而美之曰。松柏。豫樟。雖小。有棟梁之用。唐玄宗封

泰山劉晏八歲獻頌。帝奇其幼。命張說試之。說曰。國

瑞也。漢任延生而頴異。號聖童。史記云。秦始皇

使張唐往相燕。不肯行。甘羅曰。項橐七歲爲孔子師。

今臣生十二歲矣。君其試臣。始皇使甘羅于趙。趙王

郊迎。割五城以廣河間。羅還報。秦以羅爲相。故古語

云唐且以華顛悟秦甘羅以童牙說趙。列子云蒲衣八歲爲舜帝師。項橐七歲爲孔子師。墨子八歲贊禹言。蔡伯晞四歲應薦爲秘書正字。壽八十以列卿致仕。檀弓齊伐魯戰於郎魯童子汪錡死焉魯人欲勿殤汪錡問于仲尼。仲尼曰能執干戈以衛社稷雖欲勿殤也不亦可乎。謂欲以成人之喪禮葬之孟子幼時居墦間乃爲嬉戲塋埋哭泣之事。母遷居于市孟子卽爲貿易之事。母遷之學舍旁孟子與羣兒戲列俎豆習禮儀母乃大喜。童烏義之俱詳倫行北魏祖瑩少攻

書人號爲聖小兒及長善作文謂人曰文章須自出
一家機杼安能與人同生活白居易生七月卽能
識之無二字百試之不差宋曹彬字國華試過之
日百物具備彬左手提干戈右手取俎豆斯須取一
印餘無所視厥後果出將入相唐許敬宗孫彥伯
昂之子也善爲文敬宗嘗戲與子昂曰吾兒不及若
兒答曰渠父不及昂父後漢陳仲舉十五能文郡
功曹薛勤往候之仲舉父出迎勤曰足下有不凡之
子吾來候之非爲卿也

仲舉諱蕃

宋司馬溫公五歲時

與羣兒戲。一兒墮囊中。羣兒驚走。公擊碎其囊。其兒得活。衆皆異之。

冠準詠山見前地理

漢朱暉年十三。從諸

舅母之京。途遇賊。欲奪諸母衣。暉拔刀曰。財物可得。諸母衣不可奪。賊義之。曰。童子內刀。舍之而去。吳志云。陸績年六歲。見袁術。袁術出橘。績懷三枚去。拜辭墮地。曰。欲歸遺母。術大奇之。晉書。謝尚年八歲。與衆客譙飲。客曰。此兒一座之顏回也。尚答曰。座無尼父焉。別顏回。客奇之。唐柳公權年十二歲。三步能成詩。文宗曰。子建七步。子乃三步耳。子過于子建。

多也

晉陸雲六歲能屬文與兄機齊名雖文章遜

機而詩論過之號曰二陸幼時尚書閔鴻見而奇之

曰陸家兒若非龍種當是鳳雛

鳳雛詳倫行

宋王元

之七歲已能文文簡公留在子弟中講學一日太守

席上出詩句云鸚鵡能言爭似鳳衆莫能對元之對

曰蜘蛛雖巧不如蠶衆莫不嘆賞詩經婉兮孌兮

總角卍兮

卍音慣束髮如兩角貌

唐李賀字長吉年七歲善

詩每旦出騎弱馬小奚童背古錦囊得佳句則書而

納之囊中母見之驚曰是兒嘔出心肝乃已韓愈皇

甫湜過其家。使賦高軒過。晉阮籍與王渾爲友。渾子戎年十五。隨在郎舍。籍曰。濬仲清賞。非卿比也。共卿言。不如共阿戎談。李泌七歲時。張九齡謂蕭誠之爲人軟美可愛。泌曰。公爲相。喜軟美者乎。九齡大驚。遂呼小友。晉王羲之之子獻之。幼有文名人語曰。羲之之後。復有之。張辟疆。張良孫也。十五爲郡有政聲。人語曰。王獻之之文章。張辟疆之政事。不假祖父生質之美也。晉書王坦之字文度。美丰儀。父鍾愛之。雖長大。猶抱置膝上。後爲桓溫之長史。陳

事詳英賢

晉書羊祜字叔子五歲時至園中令乳母取所玩金環乳母曰無此物祜乃訪鄰人李氏東園桑樹中得之主人大驚曰此余亡兒所失物乳母具言北李氏悲惋人異之乃知李氏子乃祜前身盧全示子詩云忽來案上翻墨汁塗抹新詩如老鴉

耆英

高年難得。大老無朋。黃髮秀眉。松筠同其晚節。鮐背兒齒。龜鶴羨以長年。曰耄曰期。順人推頌。望爲師爲保。爲尚父。國重元龜。賜之几。賜之糜道。當如是。杖於朝。杖於國。理則宜然。試實其人。必稽諸古。畝丘人美哉。壽也。絳縣老遐矣。算焉。函谷跨牛。李耳演道德五千之秘。渭川躍鯉。子牙釣乾坤八百之秋。鬻熊子猶可作文王師。張柬之更堪爲武后相。先零叛漢。頽齡之充國尚請一行。儉狁侵周。元老之方叔竟收三捷。旣平西域。班超

願入玉門關。已服南蠻馬。援遂分銅柱。界梁灝華顛。魁
士一代文章。顏駟皓首爲郎。三朝輔佐。李百藥才新而
齒。則宿盧蒲。髮短而心甚長。廉頗開弓八百斤。力猶
如故。沈麟寫書數十篋。目則愈精。洛社羣英。徜徉風月。
虎溪三叟。笑語烟霞。黃石公出圯上一編書。留侯有幸。
東方朔偷瑤池三度果。武帝頻驚京國秋風。蒯子摩挲
銅狄。家庭化日。萊兒戲舞斑斕。樂啓斯擴。襟懷行歌樂
土。疏太傅乞骸骨。飲餞都門。申公鬚髮皆皓。更致蒲輪
之名。蔡挺精神未艾。猶勤壁幣之招。商嶺四翁。翼太子

之承大統。新城三老。悟高皇之起義。兵伏生。晚歲傳經。
教而勿倦。衛我耄年。作誠學之彌殷。是誰運動老陽生。
子却無日影。若個學成。玄法燒丹。噴有霞光。歷有前聞。
悉爲異事。人皆愛香山居士。只將詩酒作生涯。我且稱
楚丘先生。猶抱經綸之學術。

禮記。大老無朋。事文類聚云。老人髮復黃。及肩有
長毫者。皆老壽之徵。秦誓云。尚猷詢茲黃髮。則罔所
愆。七月詩曰。爲此春酒。以介眉壽。詩行葦篇。黃耇
黎背。凡人至九十曰黎背。謂人老氣衰。皮膚消瘠。背

若駢魚故曰駢背

駢音台魚名劓河豚

曲禮云人生十年曰

幼學二十曰弱冠三十曰壯有室四十曰強而仕五

十曰艾服官政六十曰耆指使七十曰老而傳八十

九十曰耄七年曰悼悼與耄雖有罪不加刑焉百歲

日期頤類書云八十曰耄書經周官云立太師

太傅太保茲惟三公少師少傅少保曰三孤續漢

書云民年七十者授之以玉杖舖之以糜粥玉杖端

刻以鳩鳩不啗之鳥欲老人不啗也禮記云人五

十無車者不越疆吊人五十杖于家六十杖于鄉七

十○杖○于○國○八○十○杖○于○朝○

韓詩外傳云齊桓公見畝丘人

年○老○問○曰○爾○年○幾○何○對○曰○臣○年○八○十○三○矣○公○曰○美○哉○

壽○也○

左○傳○云○絳○縣○老○人○曰○臣○生○之○歲○正○月○甲○子○朔○

四○百○有○四○十○五○甲○子○矣○

二萬六千六百有六旬

周○末○李○老○子○

跨○青○牛○出○函○谷○關○吏○尹○喜○望○其○紫○氣○祇○候○之○老○子○乃○

授○以○道○德○經○凡○五○千○言○

渭川詳地理篇

列○子○鬻○熊○子○年○

八○十○餘○見○文○王○文○王○老○之○鬻○熊○子○曰○若○使○臣○逐○豹○射○

麋○吾○則○老○矣○定○策○決○事○臣○方○少○也○文○王○于○是○師○事○之○

張柬之詳英賢

漢○書○西○羌○先○零○反○上○問○丙○吉○誰○可○將○者○

趙充國對曰。無逾老臣。願馳至金城。圖上方。畧時充國年七十餘矣。采芑詩云。方叔元老。克壯其猷。又曰。顯允方叔。征伐獫狁。蠻荆來威。蓋方叔嘗與於北伐之功。一月而三捷也。漢書。班超在西域。年老思歸。上書曰。臣不願到酒泉郡。但願生入玉門關。上乃詔還。後漢。馬援年六十餘。征交趾。立銅柱爲界。銅柱南屬交趾地。北則漢也。采梁灝八十二歲中狀元。謝表有云。皓首窮經。少伏生之八歲。青雲得路。多太公之二年。漢。顏驥爲郎。武帝問曰。叟何時爲郎。

答曰臣文帝時爲郎矣文帝好文而臣好武武帝好

美而臣貌醜陛下好少而臣已老帝乃遷其秩唐

李百藥年七十賦帝京篇上覽之喜曰齒則宿而才

甚新也左傳云盧蒲癸曰千髮種種如此子奚能

爲子雅曰彼其髮短而心甚長癸音擎史記趙廉

頗年七十猶食肉十斤飯斗米力猶能開弓八百斤

唐沈麟年過八十耳目猶聰明寫細書二三年滿

數十篋宋神宗時文潞公彥博七十與富弼七十

席汝言七十王尚恭七十趙丙七十劉幾七十馮行

已七歲楚建中七歲王謹言七歲張問七歲張燾七歲

歲王拱辰一歲司馬光等六歲為耆英會就資聖院

建大厦日耆英堂命閑人鄭兵繪像堂中共一十三

人晉惠遠法師隱廬山送陶元亮陸修靜至虎溪

與語大笑世傳為三笑圖史記黃石公在圮橋上

命子房取履子房跪授之公曰此子可教乃出一編

書與之曰讀此可為帝王師漢武故事西王母降

出桃七枚自啖二枚五枚與帝帝畱核欲種母曰此

桃三千年一開花三千年一結實指東方朔曰此桃

三、熟、此、兒、已、三、偷、矣、
神仙傳云後漢荀子訓與一
老翁共摩挲銅狄曰適見鑄此已五百年矣
老萊
子年七十父母猶存服斑斕衣爲嬰兒戲於親前言
不稱老
家語榮啓期鹿裘帶索鼓琴而歌曰天生
萬物吾得爲人一樂也得爲男二樂也吾年九十五
矣三樂也貧者士之常死者人之終吾何憂哉
漢
疏廣爲太傅兄子受爲少傅共上表乞骸骨歸故人
祖餞於都門外道路觀者皆曰賢哉二大夫
漢書
武帝遣使東帛加璧以蒲裹車輪而迎申公時申公

已年八十餘矣。唐蔡挺上書有玉關人老之語。文
宗遂使使持節以幣召用之。漢紀高祖寵戚氏。欲
以戚氏子如意易太子。張良使呂后召商山四皓至。
與太子遊。漢祖知其人。顧謂戚氏曰。我欲易之。彼四
人者。羽翼已成。難動搖矣。商山四皓東園公綺里
季夏黃公舟里先生
漢王至洛陽。新城三老董公曰。項羽放殺其主。大王
宜率三軍素服。以告諸侯而伐之。此三王之舉也。漢
王于是爲義帝發喪。濟南伏生名勝。爲秦博士。漢
文帝時。求能治尚書者。伏生老不能行。使晁錯往受。

之得二十九篇。今古文尚書是也。衛武公年九十有五。猶箴儆于國。曰。自卿以下。至于師長士。苟在朝者。無謂我老耄而舍我。必恪恭于朝。以交戒我。遂作懿戒之詩。以自警。韻府陳畱有富翁年九十。取女生男。長男以爲非父之子。數年爭財。州郡不決。丞相丙吉曰。曾聞真人無影。老陽子亦無影。又不耐寒。時八月。取同年小兒。俱裸體。此兒獨啼。言寒。又並令月中行。獨無影。方服。神仙傳云。淮南王安愛道術。有八老詣門。授王丹經。王煉丹服之。上升。臨去。置丹鼎。

于中庭雞犬共舐之皆得仙去唐武宗時白居易

七十歲稱香山居士於東都與胡果八十歲劉真七十歲吉

收八十歲鄭據五十歲盧真二十歲張渾七十歲洛中遺老李

元爽十一歲僧如滿五歲九人作尚齒會以詩酒共

娛時號香山九老劉向新序楚丘先生行年七十

披裘帶索見孟嘗君君曰先生老矣春秋高矣何以

教之楚丘曰將使我追車而赴馬乎投石而超距乎

逐麋鹿而搏虎豹乎吾已老矣將使我出正辭而當

請侯乎決嫌疑而定猶豫乎吾始壯矣何老之有

婚姻

六禮既成。兩家遂好。解佩纓以爲理。蹇脩還是良媒。食
胡餅以忘言。逸少正爲佳婿。共牢而食。合卺而飲。已知
情意綢繆。欲男有室。願女有家。自是禮儀不忒。冰清玉
潤。羨渠賢婿。賢翁瑟鼓琴調。樂彼佳兒。作婦五色絲。憑
牽佳偶。九子墨爲祝。多男俊逸。裴航藍橋上。搗殘玉杵。
風流蕭史。秦樓中吹澈瓊簫。橋橫銀漢。水練漪路。入桃
源。花爛熳。不矜華飾。桓少君挽鮑夫子之車。自負才能。
劉延明坐郭先生之席。英賢居爵品。士嘉李元禮乘龍。

清士寡奩儀人見吳隱之賣犬月輪有意定知丹桂近
姮娥天意無私還許女蘿附松柏娶妻非以貌何愁許
婦乏容選配勿論財富識韋郎有德朱陳巨族今日堪
傳媒娶圖秦晉大邦當年還是婚姻國

六禮謂納采納雁以爲禮問名問女生之納吉得吉卜

納徵納幣以爲聘請期請婚期親迎婿親至翁家楚

辭解佩纓以結言兮吾令蹇脩以爲理蹇脩古之善爲媒者

晉書郗鑒使人求壻于王導導令徧觀諸子姪皆各

矜恃惟義之東床坦腹食胡餅若不聞使者言于鑒

鑒曰。此正佳壻。及訪之。乃義之也。遂以女妻之。婚
姻之禮。共牢而食。合卺而飲。牢。牲也。共牢。謂同食一
牲也。一瓠分爲兩瓢。謂之卺。合卺者。謂壻與婦執一
片以飲酒也。婦至壻。揖婦以入。共牢而食。合卺而飲。
世說。衛叔寶是樂彥輔壻。並有海內之名。裴叔道
嘗稱之曰。婦翁冰清女壻玉潤。衛介字叔寶
樂廣字彥輔唐郭
元振美丰姿。宰相張嘉貞欲納爲壻。曰。吾五女頗俊。
各執一絲於幔中。子牽之得者爲婦。振牽一紅絲得
第三女。有姿色。陸士龍祝九子墨云。九子之墨藏。

千松烟木姓長生子係無邊

裴航詳後神仙
蕭史詳後樂器

桃

源劉阮入天台採藥得遇仙姬事

詳後神仙

後漢鮑宣

娶桓氏字少君資粧甚盛宣不悅少君悉歸其服飾

更着短布衣與宣共挽鹿車歸鄉里拜姑畢卽提甕

出汲後魏劉昺字延明年十四就博士郭瑀學弟

子五百餘人瑀有女選婿意在延明特設一席曰吾

欲覓一快婿誰坐此者吾當妻焉延明奮衣而坐曰

昺其人也瑀遂妻之魏黃尚與李膺俱爲司徒並

娶太尉桓元叔女○人謂桓元叔兩女俱乘龍杜子美

詩門闌多喜色。女婿近乘龍。世說補謝石請吳隱

之爲衛將軍主簿。隱之將嫁女。謝知其貧潔。遣女必

當率薄。乃令移厨帳。助其經營。使者至。方見一婢牽

犬賣之。此外蕭然無辦。唐袁筠娶蕭安女。言定未

幾。擢進士第。羅隱贈以詩云。細看月輪還有意。定知

丹桂近姮娥。詩經。葛與女蘿。施于松柏。比婚姻

古樂府。冉冉孤生竹。結根泰山阿。與君爲新婚。兔絲

附女蘿。兔絲生有時。夫婦會有期。十年遠結婚。軒車

來何遲。許允婦詳。唐張延賞選壻。其妻苗氏獨

愛韋臯延賞不得已許之後頗輕賤之臯因辭東遊
後五年擁節旄改姓名曰韓翃代延賞職人報曰替
相公者韋臯也延賞莫信及見之愕然事文類聚
朱陳村惟兩姓世世爲婚姻故唐人詩云欲將傾陸
丹青手畫取朱陳嫁娶圖左傳晉公子重耳至秦
秦伯納女五人懷贏與焉奉匜沃盥旣而揮之怒曰
秦晉匹也何以卑我

婚姻二

天作之合。文定厥祥。冰下入言。語相傳。儘稱異夢。月中、
老、簿書獨檢。恰是奇聞。入豫文蕭已結彩鸞之約。奔齊、
敬仲喜符鳴鳳之占。情欸密魚水同歡。意綢繆絲蘿有、
結。因親作配。溫嶠曾經下鏡臺。從簡去華仲淹直欲焚、
羅幔。分由夙定。藍田種白璧。雙雙事屬奇緣。巫岫賦行、
雲。六六屏開孔雀輝煌羽。相府春融。禱隱芙蓉爛熳花、
洞。天景媚牽烏羊以爲禮。自是古風。選碧鸛以成婚。正、
爲佳匹。敬隆中間案前齊德耀之眉。睡好東床。牕下坦、

右軍之腹○芳時欲邁○曾說風人○咏標梅○流水多情○却聞
宮女題紅葉○劉景擇婚杜廣廐○卒何慚○摯恂定配馬融○
門徒有幸情○乎意契漢君指腹連姻義○重恩深楚女因○
婚報德族強而盟○未諧罔可爲恨○國大而辭○非耦亦豈
是緣○張負鑑先明○遂爾畱心○妻巷子平願已畢○飄然臨
跡○名山

詩經天作之合○文定厥祥○晉索統明術數○令狐策
夢立冰上與冰下人語○統口冰上人與冰下人語爲
陽語陰媒介事也○當爲人作媒○冰泮婚成會太守田

豹求張公徵女。使策爲媒。仲春成婚。唐韋固求婚。旅次宋城。遇老人向月檢書。曰。此天下婚姻牘。固問囊中何物。曰。赤繩子。以繫夫婦之足。雖仇家異域。此繩一繫。終不可易。固問妻安在。曰。店北賣菜陳姬女。是天明往視之。見姬抱三歲女。甚陋。固令奴刺女中。眉後十四年。相州刺史王泰妻以女。眉間常貼花銅。歲餘。問之女。曰。妾郡守之姪女也。父終宋城宰。襁褓時。乳母鬻蔬以給。嘗抱于市。爲賊所刺。痕尚在耳。宋城宰聞之。名其店爲定婚店。唐文蕭抵豫章之西。

山山有許真君第。見一姝。顧文蕭曰。妾彩鸞也。君非
文蕭耶。乃相與至洞中。成夫婦之禮。左傳懿氏卜
妻于陳敬仲。其妻占之曰吉。是謂鳳凰于飛。和鳴鏘
鏘。有嬌之後。將育于姜。五世其昌。管子桓公欲求
寧戚戚曰浩浩者水。育育者魚。未有室家。安名我爲。
注曰魚水喻室家。寧戚有伉儷之思。故云。世說晉
溫嶠姑有女。屬嶠覓壻。嶠有自婚意。曰佳壻雖有。但
如嶠比。云何。姑云何敢希汝比也。復一日嶠報云。已
得壻矣。門地不減嶠。因下玉鏡臺一枚。姑喜。旣婚。交

禮姑女以紗扇蔽面笑曰我固疑是老奴 朱范文
正公之子娶婦將歸或傳以羅爲帷幔者公聞之不
悅曰吾家素清儉安得亂吾家法持至當火于庭
樓神記陽公雍伯致義漿給行人三年有一人就飯
曰何不種菜答曰無種其人懷中出菜子一升與之
種曰種此生美玉併得好婦公種之數歲北平徐氏
有女公求之徐氏曰得白璧一雙當爲婚公往種菜
處得白璧五雙以聘遂妻以女名其地曰玉田 唐
寶毅有女欲選婿壽二孔雀于屏令求婚者射之陰

約中目。則與以女。唐高祖射中雙目。遂得娶杜子美。詩屏開金孔雀。襖隱綉芙蓉。宋孔淳之性高尚。與

徵士王敬弘爲友。敬弘以女適淳之子。牽烏羊提壺。爲禮人怪其薄。答曰。此田父之禮也。唐韋諤選裴

寬爲婿。成禮之日。其族聚觀之。寬時衣碧。瘠而長。族人見之。呼碧鵲雀。漢孟光字德耀。配梁鴻夫婦相

敬如賓。每饋食舉案齊眉。王右軍詳前篇。詩國風標有

悔其實七兮。求我庶士。迨其吉兮。南國被化。嫁女以及貞

時而有強。唐于祐步樂衢。見御溝流一紅葉。題村

暴之辱

詩云。慙慙謝紅葉。好去到人間。祐拾之。亦題一葉云。
曾聞葉上題紅葉。葉上題詩寄阿誰。放上流。宮女韓
夫人拾之。後帝出宮女韓泳作伐。嫁于祐。韓夫人見
葉大驚。曰。事豈偶然。一日泳曰。今可謝媒。韓笑曰。一
聯佳句。隨流水。十載幽情。滿素懷。今日結成鸞鳳友。
方知紅葉是良媒。泳笑。唐劉景爲刺史。杜廣爲其
廐卒。一日與語。大奇之。歸謂妻曰。吾爲女求夫。二十
年不意廐中有騏驎。遂妻以女。後漢摯恂不應徵
聘。教授南山馬融。往從之。恂大奇其才。以女妻之。

後漢賈復與五校戰。大破之。復傷鎗。光武大驚曰。失吾名將。聞其婦有孕。生女。我子娶之。生男。我女嫁之。不令憂妻子也。復病無愈。左傳吳師入郢。楚子收其妹季芊以出。楚昭王之奔鄭。楚大夫鍾建負季芊以從。王將嫁季芊。季芊辭曰。所以爲女子。遠丈夫也。鍾建嘗負我矣。以妻鍾建。以爲樂尹。詳後三恨左傳鄭太子忽嘗有功于齊侯。請妻忽。辭人問其故。答曰。人各有耦。齊大非吾耦也。漢陳平家貧。居妻巷。張負孫女五嫁而夫斲死。人莫敢娶。平欲娶之。負

子曰。平貧不事產業。負曰。人有美如陳平。肯長貧賤者乎。遂以女妻平。後濺向長有高尚之志。爲男女婚嫁畢。遂遊于五岳名山。莫知所終。向長字子平

女子

西子南威。姿容絕俊。易安道韞。才思頗優。潘妃步。采采金蓮。小蠻腰。纖纖翠柳。吳絳仙。侍隋煬帝。色秀可食。陳後主。寵張麗華。髮光可鑑。太真淚。紅於血。滴時更結。寒冰。麗娟氣。馥於蘭。噴處恰成香。霧問貞妻何處。清風嶺。自彼更名。詢義女。誰家烈泉井。由渠起號。更憶美人亡。殿上血痕。幻抱子之磚。翻思節婦死江邊。肢體化。望夫之石。效顰醜婦。何曾聞。媼裏回妍。挾技妖姬。乃更覺老。中還少。水湧漸臺。符券不交。傳命使須足。流芳火炎祆。

廟玉環相贈。有情人實能遺臭。故夫三從閨內。操婦道。乃正常倫。乃若四畏堂中。壞夫綱。必污清議。燕子飛孤。驚泣兩般盡。可稱嘉。獅子吼。牝鷄鳴。二事還堪嗤笑。西子西施也。吳王妃。國語。晉文公得南威。姿色嬌。麗。三日不朝。遂推南威而遠之。曰。後世必有以色亡國者。李易安謝道韞。俱才女。易安詞云。昨夜雨疎風驟。濃睡不消殘酒。試問捲簾人。却道海棠依舊。知否。應是綠肥紅瘦。齊東昏侯寵游妃。以金蓮花貼地。令妃行其上。曰。步步生蓮花。隋煬帝每視絳

僊顧內侍曰。古人謂秀色可餐。若絳僊者。可以療飢矣。絳僊嘗以紅牋進詩謝帝。帝曰。絳僊才調古相如也。陳後主自居臨春閣。張貴妃居結綺閣。龔孔二貴妃居望仙閣。並複道往來。張貴妃髮長七尺。其光可鑑。秀色溢目。嘗于閣上覩粧臨檻。宮中遙望。飄若神仙。開元遺事。楊太真初入宮時。別父母。淚下。皆成紅冰。鷄跖集。漢武帝所幸宮人名麗娟。年十四。玉膚柔軟。吹氣成蘭。居處于明離之宮。宋王貞婦。臨海人。德祐二年冬。元兵入浙。其舅姑及夫皆被害。

令人擁其婦以行。貞婦至青楓嶺，擁行者少怠，齧指
出血。書石上云：雲山千古恨，金石一生心。自投嶺下
死。郡守爲立祠，改青楓爲清風。隋裴倫爲渭源令，
城爲賊所陷，倫遇害。妻柳氏有二女及兒，婦義不受
辱。四人連手投井中。邑人號其井曰烈泉井。抱子傳望
夫石俱詳地理西施病心而顰，其里之醜人見而美之，歸
亦捧心效顰。里人見而走。左傳：夏姬內挾技術，老
而復壯。凡九爲寡婦，當之者輒死。晉楚間有諺曰：夏
姬得道，雞皮三少。楚昭王夫人齊女也，王出遊，畱

夫人於漸臺約曰。召必以符。江水大至。王遣使迎夫。
人忘持符。夫人不肯行。使者還符。未至臺。已崩。大人
溺死。與苑北齊有公主。生命乳母陳氏撫之。母携
子俱入。主與子日弄。王環為戲。後其子以年長不許
入宮。思主成疾。主約於祆廟相會。既至。陳子唾主寘。
玉環于懷而去。陳子醒。覺心火烈。祆廟遂焚。祆音軒
即同禡
記云。婦人三從。謂在家從父。出嫁從夫。夫死從子。
四畏詳
論行篇燕子飛。燕門節婦事。詳後
飛禽唐有節婦。
喪夫作詩云。絃中悲。別鶴鏡。裴泣孤鵲。
宋蕪東坡

謫居黃岡與陳季常遊季常自以飽參禪學其妻柳氏悍客至或聞詬罵聲蘇東坡戲以詩云誰說龍丘居士賢談經說有夜不眠忽聞河東獅子吼拄杖落手心茫然書經牧誓武王曰古人有言曰牝雞無晨牝雞之晨惟家之索今商王受惟婦官是用

女子二

女從吳索人有且評貌若閒姬允數春秋之勝賢如德
耀還推漢代之先魏靈芸須是鍼神蔡文姬便爲笳譜
王夫人靜雅綽然有林下之風顧家婦純良粹矣屬閨
中之秀春風蕩蕩銅雀臺中鎖二喬夜月娟娟館娃宮
裏眠西子黃崇嘏文章洒洒蛾眉隊裏狀元韓蘭英才
思翩翩紅粉班中博士夫人城仰之彌高鑽之彌堅娘
子軍正正之旗堂堂之陣若個娉婷顏似玉秦氏文鵠
是何佳治唾如花趙家飛燕慧姬振鐸爲嚴傳頗稱巾

幙先生老婦吹簫當健兒。須謂裙釵將士人。且說驪姬
專國色。我亦云薛女是香姝。謝道韞解小郎圍風生雄
辨徐賢妃。却天子召露沁新詩貌。冠天朝號國夫人。嫌
粉汚才傾蕤苑。毗陵女子擅詩名。段元妃勿作庸人妻。
可云尚志李絳秀。請爲豪士妾。豈曰辱身聽彈琴。而辨
絕絃無非性。敏看舞劍而工書。字必是心聰。韓姬投穢
反成千古之香。賈女竊香。變作萬年之臭。保全夫主難
許婦無容。却有才應付。單于婚明妃。有貌偏無寵。倖妃
佩訶子。歡娛恐致憂。愁潸婦歌屢。屢富貴難忘貧賤。既

長而醜。晉宮應有黑。崑崙彼美且都人。間盡是生菩薩。
翻憶卓氏姬。遠山眉甚好。猶憐趙家妹。慵來粧獨奇。
更思孫壽娥。墮馬髻偏妍。還訝桃葉女。橫波眼最媚。
鄧夫人。頰加丹點。愈益妖嬈。杜秋娘體。瑩瓊脂。自多嬌雅。
朱唇皓齒。乃知尤物足移人。翠眉雪肌。方信冶容能誤國。
文君致就相如病。亦曰殆哉。奉倩頻增翠佩悲。何必乃爾。
愛慾海未可沉埋。男子軀溫柔鄉。豈應老羣君王骨。
自古婦儀無忒。還須屬潔潔佳人。平生女色不親。畢竟
是真真君子。

易經震一索而得男故謂之長男巽一索而得女故
謂之長女。後漢許邵評論人物每月更其品題號
月旦評。問嫵古美女春秋時人。漢孟光字德耀
配梁鴻每餽天食必舉案齊眉。雞跖集魏文帝美
人薛靈芸夜入宮改名夜來妙於針工昏夜不假燈
燭裁製立成號曰鍼神。蔡琰作胡笳十八拍故云
笳譜。世說謝道韞朗之妹適王凝之張玄妹適顧
氏有濟尼者遊二家或問其優劣答曰王夫人神情
散朗有林下風顧家婦清心王映自是聞房之秀

周瑜字公瑾爲中護軍從孫策攻皖得喬公二女皆
國色策自納大喬瑜納小喬策從容謂瑜曰喬公二
女雖流離得吾二人作壻亦爲歡故今人呼兩姨曰
大喬小喬古詩云銅雀春深鎖二喬吳越春秋
越進西施于吳吳王悅其美築館娃宮以居之藝
文志云古今才女女狀元蜀黃崇嘏女侍中魏元義
妻胡氏女學士孔貴嬪女校書唐薛濤女進士宋休
妙玉女博士宋韓蘭英晉朱序鎮襄陽符堅遣將
圍府母韓氏登城行謂西北角當先受敵遂領百餘

婢并城中婦女築城二十餘丈。賊攻西北角，果潰。遂守新城。時號夫人城。唐平陽公主嫁柴紹，初高祖起兵，紹發家貲招亡命渡河，主引精兵萬餘人與秦王會渭北。紹及公主對置幕府，時號娘子軍。劉長卿贈文鸞妓詩云：文鸞瀟灑美如玉，眉畫春山螺黛綠。趙飛燕與其妹合德共坐，誤唾其袖。合德曰：姊唾染衣，組碧正似石上花。雖令尚方爲之，未必能此。因號之爲石花廣袖。韋逞母宋氏傳父業，乃就宋家立講堂，書生百餘，隔絳紗幔以授業。伽藍記後。

魏河間王婢曰朝雲。諸羌叛王，令朝雲假爲老嫗吹箎。敵涕泣服降。語曰：快馬健兒，不如老嫗吹箎。戰

國策云：驪姬者國色也。

王姬厲王妃也。國色謂魁一國之選。

薛瑤英詩寵妾

篇

晉王疑之，弟獻之嘗與賓客談論詞理，將屈嫂

道韞遣婢白獻之曰：欲爲小郎解圍，乃設青綾帳，自

蔽申獻之前，議客不能屈。唐徐孝德有女，名惠湖

州人，八歲能文。太宗聞之，召爲才人。卽徐賢妃也。上

一日召賢妃，不至，怒之。賢妃進詩曰：朝來臨鏡臺粧

罷，獨徘徊。千金買一笑，一名豈能來上。乃釋。楊貴

妃女兄封爲虢國夫人。不施朱粉。自有美艷。常素面。

朝天子。杜甫詩云。虢國夫人承主恩。平明騎馬入宮

門。却嫌脂粉污顏色。淡掃娥眉朝至尊。

去聲

唐時

毗陵士有女。年十三。咏破錢詩云。半輪殘月掩塵埃。

依稀猶有開元字。緬想清光未破時。買盡人間不盡

事。人傳頌。目之爲毗陵女子。晉段氏字元妃。謂妹

季妃曰。我必不作凡人妻。季妃曰。我亦不爲庸人婦。

後燕王納元妃。范陽王納季妃。

李終季後寵妾

世說

補蔡文姬年六歲時。父中郎於夜中鼓琴。絃絕。文姬

曰第二絃中郎復故斷一絃以問之文姬言是第四
絃並不差謬中郎曰偶得之耳文姬曰季札觀吳知
興亡之國師曠吹律識南風之不競由此觀之何足
不知法書苑晉衛夫人看舞劍回環擊刺之狀大
悟其訣遂工於書洽聞記韓重女玖英遇賊執之
玖英乃奔投糞穢之中以口飲糞賊舍之而去韓
壽美姿容賈充辟爲掾充女與之私通時外國進有
異香武帝以賜充充女竊香與壽充覺其情以女妻
之世說許允婦阮德如妹奇醜交禮竟允無復入

理桓範勸之許因入見卽出婦提裙裾止之許謂婦
曰婦有四德卿有幾答曰新婦所乏惟容士有百行
君有幾許曰皆備婦曰君好德不如好色何謂皆備
允慚而禮之後允爲吏部有劾其私干故舊帝遣使
拘詢之婦教之曰明主可以理奪爾合云舉爾所知
臣之鄉里臣所知也允如其言帝考其所用人稱職
遂宥之

明妃詳
後樂具

楊貴妃與祿山戲祿山爪傷其

乳恐明皇知覺乃爲訶子以掩之訶子今之包肚也

百里奚相秦其婦入秦爲潸婦見其夫歌曰百里

奚五羊皮臨別時烹伏雌炊麡屨今日富貴忘我爲
百里奚感之遂相認如初屨音談屨音夷門關也晉簡文帝

無子令相者閱宮人時李后形長而黑號黑崑崙相
者曰是其人也簡文幸之乃生孝武裴炎嘗言人

妻有三可畏少年時如生菩薩可畏及中年兒女滿
前如九子母可畏及老脂粉凋謝如鳩盤荼可畏

西京雜記卓文君眉不加黛望之如遠山號遠山眉

趙飛燕妹合德眉號遠山黛施小朱號曰啼來粧

梁冀妻孫壽娥善爲妖態作墮馬髻折腰步齟齬

笑以爲媚悅。

王獻之妾名桃葉詳後篇

吳孫和悅鄧夫人弄

水晶如意誤傷夫人頰。醫者以獾髓雜琥珀屑補之。

及瘡有赤點更益其妍。諸嬖人更效之以要寵。杜

牧之贈杜秋娘詩。錦江秋水滑生。玄白如脂。左傳

叔向欲娶申公巫臣氏。其母曰。吾聞甚美必有甚惡。

夫有尤物足以移人。苟非德義則必有禍。漢李延

年歌曰。北方有佳人。遺世而獨立。一顧傾人城。再顧

傾人國。寧知傾城與傾國。佳人難再得。相如素有

消渴病。且悅卓文君之色。遂發銅疾。荀奉倩妻曹

翠佩有艷色。妻嘗病熱。奉倩以冷身喂之。妻死。嘆曰。佳人難再得。未幾。奉倩亦卒。佛家有愛慾海之說。謂貪戀美色也。漢成帝寵愛趙飛燕。目飛燕爲溫柔鄉。謂曰。吾當老死溫柔鄉中。不效武帝求白雲鄉也。烈女傳。唐有節婦。美姿容。夫死。有貴家公子欲娶之。問之東鄰。東鄰曰。此女潔。問之西鄰。西鄰曰。潔時號。潔。潔佳人。梁蕭啓不好女色。生平惡見婦人。司馬公亦云。吾性不好女色。

寵妾

居之側室。寵以專房。容善歌。鶯啼宛轉。滿解舞。鳳翥闌。
躑。絳桃柳枝。却數韓公之俊。小蠻樊素。足稱白氏之嬌。
碧玉姿貌娟娟。莫是美於碧玉。綠珠儀容雅雅。應須博。
得綠珠。詩人老去。鶯鶯在情。意綢繆。公子歸來。燕燕忙。
私。棕欵洽。輕肌細骨。賜罷珍珠。香屑平。皓齒蛾眉。歌殘。
金縷花枝。好誰爲隊長。總司孫武子之兵。機孰是尚書。
叅預王丞相之朝政。文翰悉用。書仙掌亥豕。無訛龐詞。
盡付雪兒。歌宮商有節。偉軀蒙士寵。媚兒之舞袖。郎當。

俊眼得人憐。桃葉之橫波。瑩澈孫晟家。譙所食前渾。是
肉臺盤中。玉府賭場戲。處盡皆人博。陸薛瑤英。罷隆于
元宰相。却是香姬李。絡秀眷愛于周將軍。乃爲靜女詩。
詞懇切。青娥遂別于使君。態度從容。蜀女反憐于公主。
寇公費用。舊桃應有惜。繚心李子豪雄。紅拂頓生敲戶。
念子京寒處。諸姬半臂齊來。建封亡時。一妓高樓獨臥。
誰家絳帳後。列跄跄濟濟聲。歌何處。珠簾中奏。藹藹雍
雍雅樂。党太尉贈佳姬于陶穀。割斷情緣。种世衡賜名
媛于慕恩。剖殘恩愛。

左傳卿置側室。漢霍后傳寵之專房。白樂天詩
云花前置酒誰相勸。容坐唱歌滿起舞。容與滿樂天
之二妾也。韓退之有二妾曰絳桃柳枝。出使至壽
陽驛。有詩云。風光欲動別長安。春半城邊特地寒。不
見園桃并巷柳。馬頭惟有月團圓。蓋意有所屬也。
白樂天二妾曰小蠻樊素。時有諺曰櫻桃樊素口。楊
柳小蠻腰。碧玉唐時喬知之之麗妾。梁氏女名
綠珠有姿色。石季倫曾以三斛珍珠買之。唐貞元
中崔氏有女鶯鶯與張生通。後棄之。張後過其所求

見鶯鶯賦詩曰一從清瘦減容光。萬轉千回懶下床。
不爲旁人羞不起。爲郎憔悴却羞郎。漢成帝常微
行過陽阿主第。見趙飛燕悅之。先是童謠曰燕燕尾
涎涎。張公子時相見。帝微行常與張放俱。故云張公
子。張子野年老欲買妾。東坡作詩有詩人老去鶯
鶯在。公子歸來燕燕忙。本此。石崇愛妾數十人。常
屑沉香末布象床上。使妾踐之。無跡者賜珍珠百琲。
有跡者卽節其飲食。令體輕。宮中相謂曰爾非細骨。
輕肌。那得百琲珍珠。爲一琲。唐杜秋娘爲李錡妾。

唱伺云○勸君莫惜金縷衣○勸君須惜少年時○花開堪
折○直須折○莫待無花空折枝○孫武子以兵法見吳
王○宮中出美人○分二隊○以王之寵姬爲左右隊長○三
令五申○隊長笑○斬之用○其次惟命是用○雖赴水火亦
可○王導有幸妾姓雷○參預政事○號爲雷尚書○張
文潛納妓妾曹文姬○工翰墨○長安人稱之曰書仙○
唐李密有愛姬○名雪兒○善歌○賓友文章有奇麗者○卽
付雪兒歌之○韓定公云○盛德好將銀管述○麗詞堪付
雪兒歌○宋有豪士蓄妾十餘○中有媚姬○軀體甚偉○

豪士尤愛之。乞詩千東坡。東坡戲爲句云。舞袖蹁躚。影搖千尺龍蛇動。歌喉宛轉聲動半天風。雨寒。王獻之妾名桃葉。獻之歌云。桃葉復桃葉。渡江不用楫。謂眼波急也。南唐孫晟爲司空。每食不設凡案。使衆妓

各執一器侍之。號肉臺盤。唐申王每與人博陸。以妓妾爲局中之馬。骰擲下。隨所指揮。時號人雙陸。唐元宰妾薛璠。英其幼時。母以香丸啖之。至長。肌肉悉虛。笑語生香。元載號香姝。周顓母李氏。字絡秀。父浚爲安康將軍。嘗出獵。止絡秀家。父兄不在。絡秀

於內具饌甚備。不聞人聲。浚怪。使人窺之。見一女甚美。因求爲妾。父兄不許。絡秀曰。門戶殄瘁。何惜一女。遂許之。絡秀嘗謂顗及嵩謨曰。我屈節爲汝家妾。爲門戶計耳。由是李氏得爲顯族。趙嘏有美姬曰青娥。嘏上計于京。爲鎮帥見之。掩爲已有。嘏歸。達以詩曰。寂寞堂前日又曛。陽臺去作不歸雲。當時聞作沙咤唎。今日青娥屬使君。帥聞之。遂遣還焉。桓溫平蜀。以李勢妹爲妾。南郡主聞而往殺之。李正梳頭。髮長委地。膚色玉曜。不爲動容。徐曰。國破家亡。無心

卷五

至此○今若見殺○乃是本懷○主抱而哭曰○阿子○我見汝○亦○憐○何○況○我○老○奴○冠萊公譙贈歌妓一束綾意尚○未足○冠有妾舊挑作詩云○一曲清歌一束綾○美人何○事○意○嫌○輕○不○知○織○女○寒○窓○下○幾○度○梭○織○得○成○李靖謁見楊素○有一妓執紅拂侍側○目靖久之○靖歸逆○旅○夜○有○紫○衣○戴○帽○人○扣○門○逕○入○脫○去○衣○帽○乃○一○美○人○卽紅拂妓也○靖與俱適太原○世說補○宋子京多內寵○嘗宴于錦江○微寒○命取半臂○諸婢各送一枚○凡十餘枚○皆至○子京視之○茫然○恐有厚薄之嫌○竟不敢服○

忍寒而歸

建封詳前後妓女馬融詳前師生

世說梁夏侯直性極

客晚忽好音樂有妓妾數十無被服姿容客至嘗隔

簾奏樂時呼簾爲夏侯妓衣趙宋党進爲太尉有

美姬出見陶穀穀愛之遂以贈穀互詳天文涑水記聞

种世衡知環州慕恩部落最强世衡皆撫而用之嘗

夜與慕恩飲出侍姬勸酒既而世衡起入內潛於壁

隙窺之竊與侍姬戲世衡出見之慕恩慚請罪世衡

笑曰君欲之耶卽以遺之由是得其死力

妓女

籍屬構欄夢酣。胭粉姿容。瀟灑鬢擁。巫山一段雲服飾。
鮮華裙拖六幅。瀟湘水語言。偷鸚鵡之舌。聲律動人。文
章炫鳳凰之毛。英華絕俗。可謂笑時花。近眼每看舞罷。
錦纏頭。歷數其人。備陳其事。永新街巷人如隊。有女可
觀。黃四娘家花滿蹊。無人不看。端端體態。何等端端。皎
皎儀容。還應皎皎。紅紅在何處。粉黛無雙。箇箇是誰人。
教坊第一。更憶錢塘。蕪小小。腰如楊柳。不勝春。却憐漢
上沈東東。貌比桃花。寧耐雨。燕子樓中。盼盼節操猶堅。

太平坊下瓊瓊丰姿最雅薛校書還是女中才子楚蓮
香莫非仙裏名姝清歌只數莫愁天上鳴鸞諧律呂妙
舞還推絳樹宮中飛燕弄輕柔戎昱別瓊華未忍春風
分手錦雲戀和德頓思夜雨留人李師中不願侯封願
愛卿想爾愛卿妙絕元微之弗戀鱸魚戀春色奈他春
色妍何第以粉黛雖嬌只恐琉璃易脆章臺柳氏已歸
沙宅嘲之帷酒上周郎難見劉鳳仙之面弱蘭歌罷風
光好只得郵臺一夜眠麗玉恐隨春事闕不全杜牧十
年約楚館月明人遠廣有花落誰看亞仙甘肅目是慾

城內打破重關。琴操樂爲尼。乃苦海中先登彼岸。

唐語林李羣玉在杜棕丞相坐。贈美人云。裙拖六幅
瀟湘水。鬢擁巫山一段雲。貌態祇應天上有。歌聲豈
合世間聞。薛濤蜀之名妓。元稹贈詩云。錦江滑膩
峨眉秀。幼出文君與薛濤。言語巧偷鸚鵡舌。文章分
得鳳凰毛。紛紛詞客多題筆。個個公侯欲夢刀。別後
相思隔烟霧。菖蒲花發五雲高。杜牧贈妓詩。百寶
粧腰帶。眞珠絡臂鞦。笑時花近眼。舞罷錦纏頭。韞音鈎
唐時長安永新坊下。名妓翠華所居。杜牧詩云。永

新街巷人如隊。知是翠華眼兒媚。

杜詩黃四娘家

花滿蹊。千朵萬朵壓枝低。

言女色多也

唐崔徽張祜齊

名。每題詩媚肆。譽之則車馬盈門。毀之則杯盤失錯。

嘲李端端曰。黃昏不語不知行。鼻似烟窻耳似鐙。愛

把象牙梳掠鬢。崑崙頂上月初生。端乞改之。乃更題

曰。覓得驕驕披繡鞍。善和坊裏瓦端端。揚州近日渾

相詫。一朶能行白牡丹。於是賓客競集。唐貞元末。

妓阿軟產一女。求名于白樂天。樂天曰。此女甚白。皙

可呼曰皎皎。蓋白公以種類不明。取古詩皎皎漢

女以謂之云。紅紅簡簡皆古名妓。東坡詩云蕙
家小女名簡簡。芙蓉花貌柳葉眼。蕙小小錢塘名
妓時語曰。錢塘蕙小小。歌聲上林鳥。腰細楚王宮。楊
柳搖春風。玉壺清話。東東姓沈。唐名妓也。與竇鞏
狎。一日死。鞏悼以詩云。桃花妖冶比儀容。未到春殘
已墜紅。惟有側輪車上鐸。耳邊常自叫東東。唐張
建封節制武寧。納妓關盼盼于燕子樓。公薨。盼盼不
他適。坐樓中十餘年而卒。唐名妓薛瓊瓊居長安
太平坊。崔懷寶作箏詩贈云。平生無所願。願作樂中

箏得近玉人。纖手裏。研羅裙上放嬌聲。薛校書。薛

濤也。善文翰。故云。元稹贈詩云。萬里橋邊薛校書。批

杷樹下閉門居。天寶遺事。都下名妓。楚蓮香。國色

無雙。每出。蜂蝶隨之。蓋慕其香也。古今樂錄。石城

有女子名莫愁。善謳歌。石城樂歌中有忘愁聲。因有

此歌耳。唐高駢詩。婆娑輕絳樹。宛轉妙陽阿。言皆能舞

也。玉壺清話。唐韓晉公鎮襄陽。戎昱有妓。瓊華公

名。置籍中。昱作詩云。好去春風湖上亭。柳條藤蔓繫

離情。黃鶯久住。渾相識。欲別頻啼三兩聲。公後得詩。

遂以妓還

唐妓錦雲與文士傅春字和德者狎和

德受誣遠戍錦雲贈詩云一呷春醪萬里情斷腸芳

草斷腸鶯願將雙淚啼爲雨明日留君不出城人聞

者無不悲愴唐李師中贈妓賈愛卿詩願得貌貅

十萬兵邊戎巢穴一時平歸來不用封侯印只問君

王覓愛卿唐元稹廉訪浙東愛官妓劉采春久住

于浙嘗醉題云因循歸未得不是戀鱸魚或戲之云

不戀鱸魚戀鏡湖春色爾樂天贈蕙小小詩世間

好物不堅牢彩雲易散琉璃脆唐韓翃厚妓柳氏

翊爲侯希逸從事久不還。柳寄詩云。章臺柳。往日青
青。今在否。縱使長條似舊垂。也應攀折他人手。後爲
番將沙咤喇所奪。玉壺清話。周彥秀才居酒上。與
妓劉鳳仙甚狎。後妓爲吳統制所得。作詩別云。酒上
鶯啼碧柳新。玉人一別倍傷神。巫山賦罷行雲杳。還
信蕭郎是路人。劉藏詩于袖。吳見之惻然。卽遣歸焉。
杜牧遊湖州。崔君素爲致名姝。有老奶引一少女
曰麗玉。杜牧愛之。曰。此女吾不卽納。當爲後期。十年
後不來。卽從他適。後十四年。已從人生二子。牧至。撫

然遂作詩云。自是尋春去較遲。不須惆悵怨芳時。狂
風落盡嬌紅色。綠葉成陰子滿枝。呂純陽題廣陵
瓊花詩云。名花艷艷美人閒。人比名花却一般。開在
枝頭防客折。落來地上有誰看。